



西  
陂  
類  
稿

詩

第  
五  
冊



西陂類稿卷十三

商丘宋榮牧仲

述鹿軒詩

重陽日天岳禪師以詩集見寄聞師已來吳

門卽用集中贈孟舉原韻奉答

首

當官自許世情疎  
齊景高軒落木初  
並客前窳纔

賦別謂孟舉道人九日有來書  
叅從名嶽機鋒迴句

竝寒花氣格殊聞道半塘留拄杖  
隔城隱隱聽鐘

魚

園官節物薦香橙發興翛然已洞庭  
幾日快乘黃

西陂類稿卷十三

一

篋舫與公遙入白雲層因緣晚歲知  
非偶瓶拂空

山愧未能待得新詩同賦後寄聲廬阜  
打包僧時高

足心壁方住開先

九日池上示子湘

秋色連朝攬最多  
霜威欲倒半池荷  
乍憐黃菊窺

人在未返青山奈  
老何舊雨每來方  
外札新詩偶

向水邊哦相看一  
笑清如鵠惟有韋  
菴與亦窩子湘

別號

附和前韻

長蘅

芙蓉颭雨風折荷池上浙瀝秋聲多  
鬢鬢霜髭

從作客寂寂寒花聊放歌青山城外晚逾翠白  
雁燈前影乍過賴是謝公吟興好詩成屬和許  
羊何

秋日泛舟橫塘遇畫公藻上人同過雙橋菴  
卽事有作

臥聞孔雀叫喜茲秋日晴凌晨喚牒子隨意橫塘  
行雙橋背城郭山水相映清刈稻時未了極目黃  
雲平穉重風乍拂入耳瑟瑟聲道遇兩禪客高話  
懷抱傾矮屋就破寺野飯惟蔓菁畫公天童齋法  
海吐長鯨餘事作詩老座與石門爭謂孟舉藻師後

西陂類稿

卷十三

二

來秀頗號琴理精爲我鼓一曲幽韻流茅楹落日  
催返櫂霜月當頭明緩緩歌水調無使宿鷺驚

寄查梅壑

誰擅書畫場元明兩文敏華亭得天授筆墨絕畦  
畛梅壑黃山翁老向竹西隱崛起藝苑中華亭許  
接軫昨摹平原帖丰骨何適緊更圖獅子林嬾瓚  
韻未泯祇今年八十抵掌談元牝興發自清夜深  
杯每獨引當其揮灑餘卷軸如束筍破紙及斷縑  
求乞無遠近聞君初生歲上與華亭準印鐫後乙  
卯好事供一梅壑與華亭同干支嘗鐫一章曰後乙卯生維余托同

調思君憂心慙一官坐束縛欲往愁鞞鞞因風寄  
此篇望氣等關尹

示族子舉

莊敏山頽後於今已百年何人復其始維爾得諸  
天守口三緘在窮經一榻穿白頭竹林叟歲晚藉  
周旋

高江村詹事舟過吳閫得縱觀所藏書畫臨  
別以董文敏江山秋霽卷見贈作歌紀事錄  
卷尾

昭代鑒賞誰第一棠村已歿推江村五年當湖暫  
西陂類稿 卷十三 三

休沐摩挲卷軸窮朝昏昨歲寄我銷夏錄雲煙過  
眼實弟昂今年奉 召北赴 闕書畫船泊胥江

濱相見不暇作絮語珊瑚之網出異珍金題玉躐  
得未有傾囊倒篋縱橫陳卷舒寧辭胝我手聳肩  
靜對不欠伸三日眠食爲之廢有時大叫忘主賓  
富春山圖袁生帖無上妙跡欣相親楓橋祖席興  
不極華亭畫卷許更捫煙江煙江疊嶂圖秋霽兩奇絕

氣韻生動真天人秋霽長不滿三尺高麗表紙光  
如銀一重一掩師造化一樹一石絕點塵從來詩  
理卽畫理芙蓉朝日相鮮新跋云古人不我見大

癡心折定九原朱印燦燦色奪目

朝鮮國王印

點綴更

足重璵璠先生好我舉相贈題識數語情彌敦欲  
辭不得拜命辱包裹脫我衣與巾要我長歌記勝  
事報辭良愧薄且貧歸來重展燭屢跋缺月光射  
莓牆根苦吟攢着作山字句雖不警事則真錄入  
卷尾更寄似此詩此畫爭千春

歲暮池上用韓子蒼次胡元茂館中直宿韻

文書撥不開幾廢食與眠鎖印指老眼擬向山水  
看東軒坐朝霽小池風生瀾偶折鄧尉花載泛堯  
峰泉吟懷忽跌蕩咫尺煙波寬惟有池上鶴刷羽  
西陂類稿 卷十三 四

同清寒

論畫絕句二十六首

真贗何須苦辨之邢夫人至尹能知夜無燈火分  
明在此語雖誇理未奇

余嘗云黑夜以書畫至摩挲而嗅之可別真贗

退谷先生

孫侍郎承澤

許數過高齋三雅共摩挲偶披

五石瓠中目始恨當年未見多

侍郎以楊補之竹趙子固水仙王元

章梅爲三雅因以名齋五石瓠爲劉繼著

棠村

真定梁相國

座上見聞新好古應知自有真一語

殷勤忘不得別來長歎巷無人

真定札中語

坡於摩詰無閒言山村小幅曾拜觀天水徽宗對題

有斷句憶之日午忘朝餐

宣和供奉王希孟天子親傳筆法精進得一圖身

便死空教腸斷太師京希孟天姿高妙得徽宗秘傳經年作設色山水一卷

進御未幾死年二十餘其遺跡祇此耳徽宗以賜蔡京京跋云希孟親得上筆法故其畫之佳如此

天下事豈不在乎上之作之哉今希孟已死上以茲卷賜太師臣京展閱深為悼惜云

夏山待渡客爭談未覩令余抱此慚龍宿郊民典

型在長虹貫月自江南皆北苑名跡

李成關仝兩巨手少年曾見長安中名家掩映數

十輩彷彿大海當迴風

蟹爪樹枝鬼面石河陽大幅太行圖挂起淋漓元

西陂類稿卷十三

五

氣濕真成驚倒倩人扶小米自題瀟湘圖云壁張此畫定驚倒先請倩人扶

著

密雪煙嵐留寶軸蘆汀密雪煙嵐欲雨二圖惠崇僧及巨然僧

漫言筆墨尋常事此際同叅最上乘

鐵網珊瑚鑒賞真清河氏亦有心人鈔來秘冊冊

瑚網耳目連朝總一新朱存理著鐵網珊瑚張丑著清河書畫舫注珂玉著

網

徽鷹韓馬戴嵩牛學語小兒也妄收誰知別有句

龍爽已向公麟踞上頭

平生不識洪谷子餘子丹青各有長却訝華亭真

放膽竟從酒肆貶長康

董文敏云余從樵李項氏見顧長康畫直酒肆中物

耳

坡仙十指縣槌後怪石枯槎爾許奇涪翁句子君

知不海內文章非畫師

二米落筆天機到元暉得意圖雲山

元暉有雲山得意卷畫

本何處任樵取金焦煙雨空濛間

中丞撰述寄吳門

下中丞永譽著書畫考

書畫源流費討論

今日快披消夏錄一時雅尚又江村

高啓事士奇

南宗老筆一峰孤貌得虞山氣韻殊屏幃邇來樵

做徧何曾夢見富春圖

子久有富春山圖

西坡類稿

卷十三

六

梅沙彌得巨公傳竹石蕭疎也可憐偶吟一片江

南雨清絕襄陽孟浩然

梅道人自題畫竹云涼風起研池葉葉秋可數京華

客夢醒一片江南雨

黃鶴山樵吾最許風流不愧鷗波甥青弁一圖文

敏拜

董華亭

誰其繼者虞山生

王翬

倪畫有無分雅俗江南好事重雲林獅子林圖最

烜赫樞本猶抵雙南金

查士標臨本最佳

國初以來推具眼櫟下

周公亮工

禾中

曹公溶

兩侍郎鵲

華秋色看題識更爲禾中一瓣香

曹跋松雪卷云畫似輞川圖書

似黃庭經此卷實傳書畫衣鉢

華原雪景特雄奇筆底全將造化窺韓碑杜句取

相况解道文人即畫師青門邵長蘅曰余曾見范

文則杜之北征韓之淮西碑也宋鄧公壽畫繼云

畫者文之極也其為人也多文雖有不曉畫者寡

矣其為人也無文雖有曉畫者寡矣畫手吳中舊擅場衡山大雅石田蒼解元真跡今

寥落片紙猶生琬琰光

辛苦仇生學大李畫時鼓吹不聞喧見董文敏畫旨怪他

小冊臨摹好風致超超又宋元

一對珍圖一洗心箇中大是少知音偶拈舊話成

新句風雨空牕細細吟一貴官語余曰骨董中鏡與劍差足取以有用也最

西陂類稿卷十三

七

無用者惟畫乎余笑曰公好官請以官喻凡抱關擊柝各有所司所謂有用也若宰相無專職而百官之職皆其職如公言則宰相最無用矣世間衣服飲食宮室皆用之適吾身獨畫用之適吾心當塵埃勞勞中忽展名畫便如置身長林巨壑心為一洗或對古名賢高士則肅然起敬畫雖一藝其用最大願公勿輕議也

華亭天授非人力六法何妨有未工多少畫家三

昧語留題斷紙故麻中

不薄今人愛古人眼前誰涉宋元津畫中九友王

翬在吳祭酒偉業有畫中九友歌

白首多年奉紫宸

近世畫家專尚南宗而置華原營丘洪谷河陽

諸大家是特樂其秀潤憚其雄奇余未敢以為

定論也不思史中遷固文中韓柳詩中甫愈

子美

河南鞏縣人也

近日之空同大復不皆北宗乎中丞論

畫最推北宋數大家真得祭川先河之義足破

聾瞽予深服之其詩之工又無論已士禎評

孫紹遠輯聲畫集分題畫觀畫門而無論畫之

作竊謂杜子美鄭公粉繪曹霸丹青一絕卽論

畫之倡矣商丘中丞於簿書堆案之日作論畫

絕句詩纔二十六首而古今畫家雅俗工拙高

下之殊流派之別盡括其要中丞鑒賞妙天下

暗中摩挲縑楮能別僞真余嘗叩其故中丞笑

西坡類稿

卷十三

八

而不言今論畫詩出未免以金鍼度人矣彛尊跋

以詩論詩濫觴於少陵六絕句金源元遺山廣

之爲論詩三十首頗傳於世明人傳相撫倣作

者愈多畫苑一途自唐至今有題畫而無論畫

漫堂先生倡爲論畫絕句如于首理矜創獲致

標新雋譬之達摩西來獨開禪宗矣那得不傳

詩格疎老故自得浣花神韻在遺山上也詩成

命蘅點次因題其後長蘅跋

乙亥元日雪同子湘山書試手爲長句

去歲春雨兆有年長句曾寫述鹿軒今年元日更  
快意開門大雪來漫天五更的皜晃冠佩向曉飄  
瞥迷市廛朝正已罷掩戟戶平鋪曲徑添靜便登  
樓一望飛鳥絕穹窿峇岸何處邊方塘波溢石欲  
沒小梅溼重香微傳打麥穫稻事可必田租之半  
况已蠲青門客園兩詩老競呵凍筆吟聳肩吾山  
香海待臨眺歐公白戰聊周旋詩成呼酒澆利市  
我醉欲枕印籠眠黃昏檐溜滴不止風吹街鼓聲  
闐闐

附前題同賦

長蘅

西陂類稿

卷十三

九

王正元日斗插寅夜半跌蕩開天門真官羣帝  
朝正散驂龍焱歛周八垠太皞執規挾玄冥呵  
噓滕六供駿奔下視人世桑田萬萬頃要栽玉  
禾成瓊田天明啓扉目花眩園林琪樹紛便娟  
池塘冰開已綠淨鵝毛片片銷無痕沿池拳足  
立雙鶴縞翅映色增鮮妍田夫三白笑嚇嚇傳  
聞吉語占豐年元公祝釐歸未盱牙門扃鑰屏  
囂喧歐蘇白戰卻寸鐵聚星堂客繼者難公詩  
先成得好句小梅溼重香微傳即先  
生句从以鮫珠  
一百五迸圓顆顆光照盤丞傾鑿落澆凍筆羊

角燈射晶光寒印甌赤泥壓重碧飴餽海物兼  
鹹酸我老倔強怯大敵降旛欲豎仍逡巡開春  
風日晴卽佳梅花爛熳不隔旬茶山吾山千萬  
樹待公褰帷來行春此時從公勇當賈銅鏤玉  
雪酬冰魂

黃山松石歌寄金仁叔將軍兼索子湘和

黃山松石天下無好事往往繪作圖千巖萬樹不  
到眼刻意摹寫徒區區茸城將軍胸次別遠道移  
取來崎嶇石一拳耳儼千仞松不滿足盤兩株盛  
以巨盞置鈴閣珍比七尺紅珊瑚今年移鎮向閩

西坡類稿

卷十三

十

海臨行輟贈及老夫鴨觜船載入廨舍賓客咋舌  
兒童呼吟窩得此良不俗大笑今我官豈麤南榮  
相對坐竟日看山讀畫同歡娛石也以松爲毛髮  
松亦以石爲肌膚芙蓉一片忽墮地陵巒宛轉秀  
色殊擾龍雙幹雙塵尾干霄之勢當前俱晉卿倘  
見定豪奪柴桑或撫還驚吁叢桂疎梅助清致何  
煩命駕窮天都將軍雅意應有報幾迴欲賦還踟  
躕今晨鼓興了此債屬和火急催髯蘇

附  
前題奉和

長蘅

我吟李白黃山詩四千仞削金芙蓉傳聞軒轅

煉丹處青鸞朱砂拱天都山中靈異孰究悉松  
奇石怪可駭呼擾龍松撐峰頂裂作其鱗而旁  
攫挐蒲團倒挂皆松名幻奇古高二尺幹千歲餘  
滿山龍子以萬數盡吸石髓蟠根株石骨磊砢  
作松幹松毛鬚髻作石鬚輪困碾碗鬪詭狀爪  
鬣定與凡松殊茸城將軍好事者鐫鑿山骨雙  
松俱夸娥夜半負而走洗剔貯之玉盞盃猥吟  
欲嘯闕不得短後健兒尺一書餉商丘公激珍  
賞選寘吟窩東南隅一拳石松一尺耳三十六  
峰蒼翠移於斯叶公來巡檐日百叩寵以篇什

西陂類稿

卷十三

十一

鏘珩琚少見多怪得未曾賓從獻疑紛詫吁或  
云軒轅當年鑄丹鼎丹成遺此一片雲碧腴或  
云猿公擲劒刺石罅化作青虵抉尾銜蠕須商  
丘公自笑哈爾拍容成肩呼浮丘叶兩老禿翁  
汝知不松卽擾龍峰天都漆園小生齊物何足  
道獨不見芥孔納得須彌無

和子湘春雪後夜坐效韋左司

梅花半將開媚此雪後月空庭耐春寒坐到昏鐘  
歇池光明檐楹鶴唳激林樾幽人默相對詩思清

到骨

附原唱

長蘅

池上明殘雪檐端得新月寒釭閃疎櫺街鼓坐  
來歇凍竹響稍稍饑鶴唳歌歇鳥沒切新節攪鄉

思山牕蚤梅發

正月十四日雪中登瑞光寺浮圖

青帝作意驅滕六大雪江南壓倒屋自從元日到  
今日不見昏星與朝旭人言南雪不到地異事爭  
詫今年獨閉門兀坐殊無憀如鶴翦翎驥維足茲  
辰冒雪鄰寺遊不怕泥深沒雙轂到門鴨脚帶鴉  
楓輪困離奇結寒玉厭聞殿閣鬧鐘魚直上浮圖

西坡類稿

卷十三

十二

散心曲欄敲磴滑幾登頓扶持左右資童僕侍行

諸幼氣食牛

謂兒筠孫  
韋金華金

笑我老翁何踟促當檐四

顧雲盪胸七堰八門辨隈隩亂山晶瑩朔氣凝萬  
井蕭緘炊煙轟胥江瀾瀾吹東風鱗次征颿靜相  
逐懷古擬葦滄浪亭開宴未踵香山躅下從別院  
訪梅花真訝佳人在空谷黃昏雪急耐荒寒還走  
後園看凍竹狂夫自笑老更狂有胸不貯塵十斛  
言歸路出吳趨坊萬點華燈燦奪目

廬州張見陽太守以倪高士秋亭嘉樹圖見  
貽卽用畫上韻走筆答之

秋亭嘉樹氣蒼涼  
小幅摩挲向霽牕  
新寄雲煙勞  
太守舊分雅俗說  
吳邦江南以有無  
倪畫分雅俗  
哦詩讀畫堪

終日望遠風悵隔江珍  
重篋中撫本在蕭疎  
丰

韻也無雙見陽曾以  
撫本贈余

題袁中江小照兼送入長安

袁生江湖客氣吞江與湖  
好詩更好劍七尺昂藏  
軀誰將片赫蹠貌出鬣鬣  
鬢長嘯竹林下捧劍隨  
童奴似此熊豹姿寧終老  
菰蘆春風吹遊屐又欲  
入帝都故人有延譽馬周  
當齊驅莫漫斫地歌  
但醉妖姬盧

西陂類稿卷十三

十三

春日同葉公霖遊支硎華山五首

溪漲橋難越輕舸野岸  
停晴光迎瘦策曲徑入支  
硎馬蹟侵苔碧支公  
遺蹟僧廬蔭竹青  
一翁年八十長

嘯振巖扃謂公  
霖

無復寒山主荒涼小宛  
居留雲空閣在臥礪老梅

疎古墓人誰到飛泉雪  
自如清詩傳祭酒吟罷一

欸歔吳梅村先生有題  
趙凡夫丙舍詩

春半法螺菴梅花蕊尚  
含幹盤驚戶牖香冷雜煙

嵐看竹憐幽夢一僧題壁有竹  
深僧夢綠句登樓作小叅  
幾多

飛動意還向翠微探

石隙泉流迸松陰磬響傳峰圍深殿肅花覆斷牆  
妍初地留天藻寺有御製詩空山閔沼蓮所嗟三十

載法席幾回遷

余初遊華山時藥菴主席繼之者爲僧鑑今亦化去

石佛巖邊坐千峰落照閒未能邀月上聊此放歌  
還羈旅又新歲煙波空舊灣一燈官閣下覓句似

僧閒

婦翁葉司馬公

廷桂

爲文文肅榜進士公從子

公霖偶來吳門於華山精舍遇一僧自言文  
肅族子也公霖坐閒因談文肅經筵進講春  
秋及爰立時奏罷鎮守中官二事余慨然爲

西陂類稿

卷十三

古

賦二首

一老閒身一老僧空山解后揖紅藤通門子弟前  
朝話共對梅花涕滿膺

文肅登朝有古風春秋大義講筵中觀軍容罷公  
閒住信史還徵八十翁

虎丘看玉蘭二首

名花傳虎阜輪囷不知年爛熳春風裏憑凌玉樹  
前香能尋小閣雪欲幃遙天共道今番盛沿溪簇  
畫船

花光滿幽谷苔色映高牆細雨一來灑空山不斷

香佳人曾對舞

用楊太真事

初地任持觴七字天隨句

風流獨擅場

久雨忽晴喜子湘心壁道人同日至援筆賦

此

一春積雨徑生苔池館今晨霽色開高士青門行

藥至道人廬卓打包來禪牀吟筆須料理蟹舍漁

莊好溯洄莫問政成鐺腳否

唐河北三郡相鄰皆有善政號鐺腳刺史

山桃花下且銜杯

自題八年前小照送開先寺方丈二首

看雲坐石西陂叟雙鬢依然歲月更今日披圖堪

西陂類稿

卷十三

五

一笑圖中為弟我為兄

鶴鳴峰下摩苔碣漱玉亭中聽瀑泉世出世間緣

有在且將小照寄開先

題允悔菴萬峰探梅圖二首

昂藏海鶴鬪精神長嘯空山作好春真才子與老

名士又署新銜梅道人

真才子老名士乃祖及今上玉音也

世

八十老翁一壺酒梅花萬樹興飛揚香山句子取

相贈從此無多二十場

題述鹿軒詩二絕句

士禛

七十二峰充下陳漁洋一點具區濱胸吞雲夢

君何有卻對漁洋憶故人

燕寢凝香畫戟枝放衙花底鶴相隨羨君五字

風流甚實有文章替左司

白樂天詩敢有文章替左司

西陂類稿卷十三終

男致校字

西陂類稿

卷十三

六



西陂類稿卷十三終

男致校字

風流甚實有文章替左司

白樂天詩敢有文章替左司

燕寢凝香畫戟枝放衙花底鶴相隨羨君五字

君何有卻對漁洋憶故人

西陂類稿卷十四

商丘宋瑩牧仲

滄浪亭詩

滄浪亭

滄浪之水清且漣亭子結向滄浪邊滄浪之亭幾  
興廢滄浪之水今依然蘇州南園最幽曠池館創  
自武肅年厥後踵事非一姓轉眼變滅隨雲煙湖  
州長史昔貶謫愛此卜築將終焉輕舟野服恣嘯  
傲援琴命酒樂靜便長史作記歐公賦金鐘大鏞  
聲相宣斯亭遂與人不朽買得只用四萬錢曰余  
西陂類稿卷十四  
嚮往自弱歲今宦於此嗟華顛手捉孤篁徧探歷  
荒岡突兀臨長川方花古礎纏蔓草幾株喬木仍  
叅天都官園空接斷壠蘄王廟在餘數椽老夫顧  
此願修復勝事肯令他人專伐石作亭懸舊額  
書爰飭祠宇肅豆籩蘄王英魂定來此會與長史  
相周旋觀魚處敞儼對鏡自勝軒小疑乘船隔城  
山色落衣袂步碕矯首聊遲延迴廊略約紛點綴  
管領風月凌平泉山僧野老共登眺央央旂旒却  
勿前官熱心冷每自笑山林痼疾良難湔左司文  
章久避席白傅遊宴或比肩綿津滄浪忽對舉西

堂尤悔菴

意厚語則偏吳人好事更好我任教畫作

屏風傳

臘月十六夜虎丘看月四絕句

放衙忽憶虎丘月到空山月可中一段新聞任  
傳說愛閒無過使君公

鐘磬不聞僧閉關池光樹影共蕭閒掃盡笙歌與  
羅綺而今真識虎丘山

千人石上一杯酒望古情深獨慨然滄浪亭子結  
纔就又欲搜尋到五賢

別蘚辨出題名字敲門買得水仙花歸來與兒作

西陂類稿

卷十四

二

詩話直到嚴城鼓四槌

早春送顧俠君應試入都兼寄阮亭侍郎慕  
廬閣學二首

爾去賦長楊年纔二十彊聲名動京國特達自主  
璋江雨征颿溼梅花祖席香老夫惆悵處未與泛

滄浪

時滄浪亭初成

正值芳春候長歌向國門元詩攜在篋

使君有元詩選易

酒快盈樽遊屐碧雲寺鄉心紅杏村故人樂弘獎  
遙想過高軒

望九龍山積雪弔王孟端

每過九龍山竟日得怡悅况兹清景殊晴峰戴殘  
雪積素嵌翠微圖畫造物設維舟獨延佇時時叫  
奇絕舍人煙霞胸雲巢舊曾結妙筆黃王閒得力  
此巖穴遺蹤欲相訪好待芳菲節

妙高臺拜東坡佛印銅像

誰鑄二銅像曰東坡佛印相對儼問答氣宇一何  
俊坡翁長不死

東坡詩云請學長不死

望竝雲峰峻高興留

玉帶永作山門鎮印公霹靂舌觸處機鋒迅與髯  
相周旋其人已千仞我來妙高臺天畔策一振肅

然仰二公再拜瓣香進捫壁讀劄子

壁勒東坡小札

江風

西陂類稿

卷十四

三

吹短鬢黃昏月東升鐘鼓蛟宮震

丙子正月丁卯日過丁卯橋

我讀丁卯集輒思丁卯橋佳話偶然耳流傳年代  
遙訪古潤城南曲港通江潮夾岸幾家住煙火晨  
蕭條石梁跨其上來往惟漁樵鼓欄與壞柱風物  
仍前朝吟魂不可接綠水空迢迢酌爾一杯酒爲  
爾賦大招是日又丁卯一笑羈愁消登舟對新月  
掉頭起長謠

舟夜風雨聞吳歌二絕句

望亭南下水迢迢孤舟風雨寒飄蕭攬人一夜不

成寐時有吳歌入耳遙  
十三女兒雛鶯聲宛宛轉轉清復清楓橋燈火半  
明滅羈人此際難爲情

登華山絕頂望太湖歌

十年六作華山遊未暇一蹋華山巔石佛巖邊小  
探討便同棲翼尋歸船今日風日大晴好遊興勃  
發勇無前招提纔到不住脚揩筇負笠凌蒼煙寺  
東曲徑稍可辨僧徒導我相夤緣磻脣延佇歧野  
鹿嶺脊騰上追飛鳶松風送我到絕頂境忽尼坦  
堪受塵乾坤之勢盡在望北固題句知良然

北固山有

西坡類稿

卷十四

四

乾坤勢盡來題句

三萬六千頃震澤濤山浪屋當空旋七

十二峰互掩映晴雲破碎碎爭綿聯蛻旌芝蓋紛來

下毛公聖姑如覲焉俯視天池翳榛莽晶瑩一勺

餘寒泉崑山虞山兩螺耳崖崆拾取須米顛道人

謂自求上人

繼至把杖揖相與長嘯驚高天峰西巨石

半僵立攢成蓮瓣磨星躔感踏犇峭氣屢鼓攀附

藤葛手欲胼漸下蓮華歷蓮子硯礪幾簇蒼苔纏

聞古尊宿曾住此吾擬結茅食且眠九年面壁或

有待一官嚼蠟何難捐入寺飯罷日垂沒靈鼉催

客聲齶齶登舟覓句却鼓吹燈下獨聳彌明肩

題心壁師萬里一歸人卷

父母恩難報經云右肩負父左負母是知方袍禿  
頂身未便二人等敝帚邇來靈巖繼老人禪室定  
省意獨厚心師繼公之猶子家本滇池住廬阜經  
營開先自打柴夢寐庭闈每頰首今秋瓢笠去飄  
然萬里歸人爲親壽緇侶贈詩山人圖  
羅飯  
牛筆茲事  
流傳堪不朽寄來卷軸到吳江展閱數過卯及酉  
堂上有佛師徑尋卷尾無句余良忸南陔白華亡  
其辭欲賦踟躕難下手點蒼洱海渺南天想見扶  
筇此中走

西陂類稿

卷十四

五

附和前韻

長洲

尤

侗  
悔菴

我聞佛說盂蘭盆大目犍連爲尋母云何未劫  
鴛幄羅剎折骨肉掃如帚廬山道人出世間眷  
戀庭闈意偏厚遙望點蒼多白雲拄杖飄然去  
香阜千佛名經總不持獨寫維摩詩一首蓮華  
煮飯甘露漿萬里扶攜爲親壽始知四大等虛  
空惟有孝思堪不朽他日歸期定浹辰此月行  
程方指酉回看大衆滿伽藍無地報恩真忸怩  
綿津山人善護法新詩彈丸纔脫手泥牛解吼  
木馬嘶我亦願隨牛馬走

題高謨園太常山水小幅

太常丰格儼神仙，翰墨場中老鄭虔。  
流傳片紙雲煙在，感舊題詩一惘然。

春日雨中同靳熊封兒至過滄浪亭二首

客有來南國，亭因問北碕。  
三人同策杖，一雨恰霑衣。  
溪水春全漲，梅花溼不飛。  
觀魚高韻在，臨眺獨依依。

尚有蘄王廟，難尋梅氏園。  
迴廊聊聽雨，小院一開尊。  
繡嶺生遙慨，熊封來自秦中述驪山甚悉滄浪且避喧。  
胡爲

君又去，愁思滿川原。

西陂類稿

卷十四

六

附步前韻

至

客問滄浪勝，相將過北碕。  
林光初度雨，水氣欲侵衣。  
失却青山色，儵然白鷺飛。  
最憐新插柳，春淺早依依。

步向亭南望，人傳梅氏園。  
風流總銷歇，覽眺自琴尊。  
野寺昏鐘發，清溪急雨喧。  
願言停短櫂，花事訪郊原。

春晚過滄浪亭四絕句

遊魚雨後撇波聲，宛轉溪橋拄杖行。  
一段斜陽明野岸，菜花時節正宜晴。

荒岡野水無人境，亭外閒花次第開。却笑吳儂真好事，送春都向此中來。

逶迤石磴坐清陰，數罷魚兒聽鳥吟。五年白首姑蘇客，一樣輕舟野服心。

虎丘歌板中秋夜，元墓梅花驚蟄時。不似此亭多古意，到來先辦一篇詩。

初冬過滄浪亭寄尤悔菴

滄浪亭畔刈稻了，倚杖看山又此迴。野水鴈飛荷葉爛，故鄉花送牡丹來。經營是處宦情別，歌板古

人生面開。時有滄浪亭傳奇寄語西堂八十叟，石欄點筆

西陵類稿

卷十四

七

待追陪

遙題江陰顧山寺茶花三斷句

野寺山茶信一奇，春風遲日動遐思。幹蔽七樓紅十里，傳聞如此招提端合喚花之。青州有花之寺見周櫟園侍郎集

老幹彫枯已百年，孫枝合抱復嫣然。嗤他拙政園中樹，浪得梅村賦一篇。

吳梅村祭酒有拙政園山茶歌

虎丘玉蘭不一賞，滄浪桃花也欠詩。山茶句子山僧乞，恰值新年發興時。

僧乞恰值新年發興時

附 和前題

高郵 李必恆 百藥

顧山山寺寺清幽，都勝花開照眼稠。不是祇園

清淨地定應署作小紅樓

花色深者  
名都勝

八寶珠光耀蚌胎鄂君繡被擁成堆忽然十里

無顏色袖裏中丞錦字來

題吳闡思畫四首

空山喧瀑布老樹隱柴門一徑青苔色幽人不出

村

溪水自淙潺溪堂永日閒莊騷讀未了林際暮鴉

還

山人寫夏山尺幅煙嵐起遠追鶴山樵近竝石谷

子

西陂類稿

卷十四

八

波影遙空接雲光壘嶂含岡頭有茅屋知是米家

菴

海嶽  
菴也

詠日本山茶二首

淺紅朶朶小盤盂顏色翻憐過寶珠欲把鵝溪圖

異種徐熙手筆此時無

海舶春風初到時空簾微雨挹芳姿從來邢尹多

相妒吟附牡丹開小遲

雨後由滄浪亭過南禪寺慨然有作

寺爲白  
樂天舊

遊地曾貯文集  
寺中刻碑紀事

鳩鳴宿雨收日出輕煙泮寓公不暇嬾踏屐滄浪

畔沿波沙鳥明侵橋菜花亂遠岫列空亭濃翠撲  
人面境幽環矚佳彷彿茱萸泝偶謝纓佩羈頓使  
腰脚便訪古過南禪逕曲苔紋徧老屋但鐘魚危  
樓尚霄漢鉢插零落桃龕舞呢喃燕往者香山翁  
招攜此遊宴風流不可及玉局舊曾歎忽忽數百  
年不異卯酉換藏書委蔓草勝事逐激電惟餘千  
个竹清陰滿別院繫余景前修坐迨昏鴉返叶生  
平鹵莽性擬就初地繕梅檀熱惱除餽粥殘僧伴  
還同老居士刻碑記發願

遊黃山

西陂類稿

卷十四

九

新安黃山不得遊姑蘇黃山聊一訪開門鼓罷命  
輕舸激灩橫塘水新漲夾岸菜花黃到天拔地雲  
峰碧如障老夫癖好過康樂繫纜攀藤覺神王伐  
石野翁連袂迎牧牛小兒折花餉稚松巨石相參  
錯鳥道紆迴頻倚杖寶坊址在費追尋貴主墳空  
足悲愴山中舊有法雲寺及陳國長公主墓今俱無有僧導我虎洞憩  
意頗慙勲語全妄顧茲巖壑了無奇却有湖山得  
彌望洞庭波白衆山青應接不暇旅懷暢相看伯  
仲是橫山崖峩一卷敢相抗歸舟摹寫掉頭吟自  
笑今朝脫官樣

春日過訪葉星期二弃草堂不值二首

柴門寂歷豆花香

蠶豆

一曲清池對草堂常日觀魚

人似鵠也應喚作小滄浪

余署中有小滄浪

別圃幽幽境愈奇春風籃輦爾何之小山叢桂清

陰下想見蒼茫獨立時

書室題蒼茫獨立處

韋菴閒興示百藥兼寄子湘

聽罷旗門鼓二搥深沈庭院靜無譁鞞紋碧沼飛

新燕亞字朱欄護好花老興自憐追白傅驚才近

喜得劉又韋菴聯句須髯急悵望蓉湖日又斜

子湘

家芙蓉湖

西陵類稿

卷十四

一

題李工部竹邨小照四首

窈窕溪山到眼清蕭疎無復世閒情阿誰踞石披

襟坐盡日松聲與澗聲

不事瞿曇不學僊臨流把卷意翛然溪雲過樹溪

鳥寂坐讀南華秋水篇

篔簹萬个蔭清淪冷豔秋花幾簇新解道忘機同

海岸飛來鷗鷺也依人

屏除騶從愛菰蘆風度何人貌得殊旦晚頭銜知

又換合將泉石讓狂夫

香巖寺看菜花留贈紺池上人二首

爲赴山僧約南邨看菜花黃雲晴野布綠樹道場  
遮入院惟聞磬隨緣且喫茶西堂誰貌取鶴骨聳

煙霞

寺有九悔  
菴小照

開軒仍在野讀書却通禪

時攜畫  
卷共玩

偃仰香如此林

丘靜渺然竹鷄喧暝色江月破春煙詠罷淹歸騎  
從師促和篇

### 池上作次樂天韻

韋菴之南竹森森深淨軒東波沈沈小滄浪只一  
勺耳此閒跌蕩江湖心午衙放罷必周覽夜案了  
却或靜臨洞庭三萬六千頃雲濤那用扁舟尋怪

西陂類稿

卷十四

十一

石敲柳得位置階庭寥廓橫古今鬪茶遠道致日  
鑄翫畫小幅縣雲林棲遲已過五寒食手栽桐桂  
清陰深緯蕭目斷渦河渚飯僧心切嵩山岑撥悶  
聊和池上作悠然手弄無絃琴樂天是處有真樂  
何須海岸方投簪

### 高江邨詹事以龍井茶見餉賦此答謝

江南春半茶事動老夫幽夢挂碧巖虎丘舊種鏟

已盡陽羨佳品心所忭小峴春作梅花片

六安茶  
名小峴

春近製梅  
花片最佳

年來羅致余能兼穀雨已過山塢曉焙

香幾處吹茅檐江邨詹事抱茶癖龍井手製馳郵

籤銀絲冰芽竝珍重白甌青筠勞封緘山瓢急取  
酌惠水折脚石鼎安風簾松濤響罷注縹盞清芬  
拂拂浮晴嵐笑他七椀真水厄小啜已令俗韻砭  
緬茲嘉木出勝地辨才玉局曾遙探性芳味永正  
可錄中郎何事相譏讒袁宏道評龍井茶作草氣包裹那許鑽  
權倖唐突未敢加薑鹽滄浪一杯澆子美酬和七  
字促邵髯子從此漫堂開湯社舌本不强容高談

附和前韻

長蘅

古人品茶例烝碾團龍喬雲誇芳甘縷金屑餅  
失本性有如玉環脂粉嫌今人品茶重烘焙揀

西坡類稿

卷十四

士

芽抽葉勞摻摻土銼松薪夜火活三更煙白月

挂檐焙成青筠旋包裹韻香味百不嫌滄浪

寓公

先生自號

今詞伯琢詩戰茗嗜頗兼碁盤北苑

小峴春品題甲乙排標籤我來偶值穀雨過櫻

桃映盃燕入簾邀我啜茗坐石上渴羌鼓隴驚

胡貪公言此茗出龍井石乳雲液叢幽岳論文

舊遊得高適武林遠寄分緬匳呼酪蒼頭不肯

受禿管城子聊戲拈公詩堅壘提一律草木臭

味供鐫劖野夫欲和愁險韻霜鬢斷莖口銜箝

且放退之教獨步何如玉川六椀七椀餘黑牯

和前韻

必恆

龍井之泉出天目一泓石罅流瀼瀼禪老辨才  
劇風雅汲泉湖上供子瞻何年產茗入包貢名  
與顧渚誇東南江邨先生好事者先春采擷窮  
林岳揀製揉焙出新意雀兒鬪語開萌尖鍼芒  
微粗麥顆小一兩直可抵一縑商丘公雅同臭  
味遠道裏致題紅籤是時愁霖晷春曉公憂無  
麥心如憐開械破悶忽色喜石鼎活火吹風檐  
惠山水遞況新到烹魚恰得熊蹯兼須臾浮碧  
官字盞色香味勝清而甘餘瀝分霑及賓從未  
西陂類稿

卷十四

十三

到口覺華池甜一椀兩椀啗興發青門逸叟來  
掀髯競拈新句霏玉屑我詩蹇澀空詒誦忽憶  
武林巖壑天下勝對此佳味心彌耽布韞青鞵  
他日到酌泉煮茗尋僧龕

和前韻

士奇

雨中石花長雲竇春半明月生松巖

國史補石花明月皆

茶名

浮盃不入將軍腹潔色長得詩人收吳中開

府季卿匹清事每許常陸兼

語林常伯熊因陸羽著茶論李季卿

宣慰江南名伯熊又有薦羽者兼名之

義興秋片六安蕊開籠老

翠浮晴檐西湖佳種數龍井火前鴉嘴如排籤

野夫摘香手自焙翦絹穿篋親包緘青猿急遣  
致鈴閣花陰晝靜鰕鬚簾石鈿火活湯鼓浪竹

廊風定煙凝嵐非獨雪煩且破睡嘔酸滯冷何

勞砭東坡詩草茶無賴空有  
名性滯偏工嘔酸冷座閒嘉客我未與

案頭險韻公先探解人自謂獨知味君子由來

不信讒中丞詩云中郎何事相讒  
中郎言龍井茶時作草氣也袁品題堪

破毀茶論音節如歌疎勒鹽何時紫甌得共坐

紅蓮幕下攜蒼髯謂子  
湘各搜文字五千卷五川  
詩云

三碗搜枯腸惟  
有文字五千卷滄浪亭際資清談

步前韻

至

西坡類稿

卷十四

十四

經旬病酒苦肺熱頗思啜茗當山巖日鑄半甌

聊止渴隔年香味惜不兼昨者蠻牋來吳會字

帶龍井之煙嵐曰高江邨饒茶癖筠籠小摘周

林岳雨前雨後分甲乙旗槍烘焙矜親拈長於

雀舌細於粒霏霏玉屑何尖纖筍細包束快持

贈爰博酬倡詩篇三盤空硬句得未有風韻與

莽還相參遠道莫能惠煎淪屬和箭急催中男

遙憶芳鮮醜春暮牡丹花正開韋菴一吟一嗅

總清絕舉頭明月凝湘簾佳品固應共佳客左

攜短李右邵髯梁溪水遞不少缺膩白如乳盈

瓶甌蟹眼纔過松濤起瓦爐活火須頻添六安  
梅片豈娣如敬亭綠雪同封緘却笑古人非知  
味或春或碾勞窮檐龍團鳳餅失本性况復猥  
瑣加薑鹽我昔袂鞵踏靈隱咫尺龍井未獲探  
坡老辨才化已久誰識此種清而甘讀詩疑茶  
霑齒頰今宵幽夢縈江南

題王勤中柳塘聚禽圖

疎柳殘荷弄細颺野塘斜日聚禽時等閒寫出無  
人態都是王維畫裏詩

戊寅七月一日夢入山亭看竹旁一人曰此

西陂類稿

卷十四

五

堯峰老人故居也愴然有作醒而僅記末句  
因足成之

堯峰遺老不可見夢入空山舊草亭風梢月影無  
人蹟賸有秋陰一片青

黃海山花圖詠二十首

有序

楚州雪莊悟公住黃山之皮蓬性孤高有花  
癖尤擅繪事時時含丹吮粉於幽厓邃壑中  
貌人閒未見花久之成帙新安吳生綺園篔  
其名寄余平江官舍戊寅七夕攜過滄浪亭  
流覽一再過各卽其名狀而疏之竝繫以詩

用補山志之未備其中數種不可名亦不能  
詩姑闕之

金縷梅 似蠟梅而瓣如縷春日開時翩

翩欲舞

春林發異香縷縷雕黃玉已將寫作圖還擬製為  
曲

撚蠟 亦似蠟梅一苞四五朶其開也以

春杪

丰格儼蠟梅一苞四五葩月明林下時幽香應倍

加

西坡類稿

卷十四

六

旌節花 老藤上作花行行垂如旌節色

淺碧黎州漢源縣亦有之

老藤作碧花鬚鬚如旌節歲歲春風時長聽花神  
挈

春桂 似桂而五出三月開

連蜷淮南叢山攀應弟畜惟有七里香高韻同空

谷 山攀亦名春桂七  
里香江右最多

海罽花 生雲海春日徧厓谷紅色深淺

相錯至鋪海時爛然雲錦矣彷彿睡香而

差大

香  
海尉奪蜀錦爛熳雲海張大似廬山谷春深放睡

瓔珞花 色黃碧幽倩澹冶清香雋永有  
垂柳之態

柳  
瓔珞何澹冶香在衆花右憐渠窈窕姿還過永豐

黃桃 與桃無異但花跌先實耳

不  
黃桃跌先實折來自樵叟借問武陵人舊曾見此

西陂類稿 卷十四 七  
山櫻 木本竹葉初夏作花實如含桃

朱顥類含桃 瑣瑣摘盈把趙昌化工筆好竝青梅  
寫趙昌有青梅含桃圖

紫雲花 花深紫日光下燭晶然凝望

紫雲花卽雲光彩不可狀想見白頭僧含毫向千  
嶂

木蓮花 在慈光寺前高柯成圍密葉蔽  
日冬不彫花肖白芙蓉惟房韻不類四五  
月開香聞數里山中無二本

白  
木蓮千載花香光照禪席記取謫仙詩五月雪中

玉鈴花 樹高大龍蔥夏月碧陰中白花  
串串有類雕刻香甚

長夏碧陰中白花綴串串分明追琢成縹緲沈水  
薦

香杜鵑 杜鵑處處有之此則高幹濃香  
迥異凡種

高幹盤雲上濃香浮谷來問他殷七七頃刻可能  
開

石蘭 一莖一葉一花色紫生峭壁上

石蘭種大奇莖葉花皆一形穎賦左思其爲此物

西坡類稿

卷十四

六

必

查葡萄花 木有芒刺四月開小黃花如丁  
香其結實也如丹砂

花略丁香同實則丹砂似煌煌北征篇摩寫曾到  
此

覆杯花 攢生葉底空中下垂似鏤竹鬆  
朱而成

覆杯花空中垂垂葉底積鏤竹而鬆朱天公劇遊  
戲

仙都花 生仙都峰下古幹屈曲花一苞

七八朶望之如芙蓉而特香綠心如拳三  
年一放放則葉下披如相讓然

吟 色借秋江遠林開仙境深老猿偏愛此三歲一來

傲雲花 形色似木蓮自夏徂秋香不斷

葉亦微馨悟公雲舫四圍皆此樹

雲舫周遭樹依稀菡萏香暢師相對處晴雪落繩  
牀

鵝羣花 藤屬葉似菰蔣秋日著花宛然

鵝也

西陂類稿 卷十四

九

山花多奇狀尤奇此鵝羣誰向清秋日折遺王右  
軍

壘雪花 花如翦雪中含一壺盧九月開

隱 霏霏壘雪花中有一壺韞巧疑滕六裁幻許長房

紫綺玉環 草花也頗肖二物

環 草花殊狡獪刻畫閨幃閒既吐一片綺復配一雙

西陂類稿卷十四終

男筠校字

西陂類稿卷十五

商丘宋犖牧仲

迎鑾集

康熙己卯三月十有六日恭紀

聖恩詩做柏梁體

皇帝聖德媲陶唐三十八載大化翔邊徼寧謐樂  
時康曰厯咨警維河防周巡淮甸區畫詳無勞璧  
馬沈宣房省方勵俗來吳閩賜租肆赦減澤滂廣  
搜巖穴寬征商湖山增勝衢歌揚臣犖承乏職封  
疆瞻覲蹈舞屬車旁拜賜御書恩浩洋仁惠誠

西陂類稿

卷十五

一

民額臣堂懷抱清朗褒殊常臨米芾書繚綾光天  
馬賦卷五丈強謙德末署做其昌墨搨淵鑿龍劑  
香淳化閣帖難頡頏耕織圖冊勤農桑豳風七月  
將無同叶載拜筓書聞鴈章驪珠的鑾驚奉將解  
推寵渥方未央紫貂狐白分御裳東珠之帽光  
熒煌羔皮之鞞出玉牀鹿脯雞腊珍上方駢效羅  
列飼與羊是時觀者如堵牆盛事傳播到八荒史  
臣紀載久愈彰涓埃何以答

聖皇中心屏營臨淵冰叶末路刻勵詎敢忘拯救  
災患除莠稂稍醜高厚歸故鄉白鷗浩蕩浮滄浪

附前題

長蘆

皇帝三十有八載乘春出震巡南陲河菑衍溢  
齧淮泗自臨捷石拯阻饑遂浮大江下吳會駕  
六蒼虬翳華芝吳有賢撫臣曰某地大物齎誠  
難治 帝曰汝某予汝嘉仁惠誠民有褒辭

御書四字字徑尺榮光休彩天昭回淵鑒齋帖  
攸一束 宸章駢羅尤瓌奇五緯垂芒峙五岳

賜書共五種

龍騰天門鳳翮岐耕織繪圖詎游戲邠

風無逸厘民依傳 詔又賜袍與帽帽珠煩黃

光輝輝袍織蟠龍龍五爪貴從 聖躬親解衣

西坡類稿 卷十五

二

鹿脯鹿尾分玉饌上尊黃封苞縹瓷奉擎稠疊

恩數異跪拜九叩 天顏怡是日百僚盡陪位

虞廷肅穆班臯夔 帝念臣廉賜予渥烺烺

天語臣聞之從官橐筆書諸冊得賢臣頌千秋

垂鯁生幕下偶欣觀盛事得不傳歌詩如公十

輩布中外宣 上德意曾澤施賜租復絲歲屢

穰 帝垂衣裳萬福來中和樂職應有賦王褒

筆札生能為

三月十九日

上駐蹕吳門 命臣榮恭進詩集竝蒙 天語垂

問臣子至恭紀二首

性耽嘯咏自髫年，寒食春城句浪傳。今日蒙恩

宣索去好將，御覽署殘編。

準敕偏教進惡詩，生平遭際算來奇。麤傳家學田

閒子，又向雲霄荷主知。

李肇國史補曰：唐淮南進崔叔清詩百篇，德宗

曰：此惡詩，何用進。時謂準敕惡詩。

鶯脰湖二絕句

垂虹亭畔峭颿開，鶯脰湖中激箭來。我是滄浪濯纓客，寄聲鷗鳥莫相猜。

孤舟落日漾波心，湖樹湖煙四望深。空際一聲聞

西陂類稿

卷十五

三

款乃釣徒何處許，追尋

扈蹕西湖紀事

平生慕西湖，聞說便神王。吳越咫尺耳，七載勞悵

望何意奉宸遊，夙懷得一暢。朝出湧金門，耳目

忽清曠。水潑葡萄醅，山轟翡翠障。白蘇勾留處，西

子譬允當。追隨豹尾閒，未敢策筇杖。聖情廛民

依物外，聊探訪。御墨灑湖亭，勾陳入雲嶂。名

許侍從臣，小憩就畫舫。亭午獨徘徊，迢遞聞漁唱。

六橋宛沿緣，兩峰屹相向。指點從山僧，脫帽迴堤

上。瞻拜武穆墳，酌酒發悲愴。還過冷泉亭，兀坐茶

煙颺奇峰真飛來驚歎莫能狀勝地難久停歸趁  
湖波漲道人索題詩留待後來償殘陽挂斷塔古  
色落樣榜薄暮趨行宮劒珮依仙仗

登吳山過紫陽洞二首

洞側有橐駝峰亦名小飛來峰

名山今入手長嘯向孱顏城闕煙中出江湖杖底  
環亭開瞻睿藻路轉得禪關吳越當年恨消沈  
磬響閒

峰亦飛來號耽幽訪洞宮崎嶇藏結構曲折入冥  
蒙遺像閒雲外

洞有元丁野鶴像

疎花斷檻中林鴉催客

去馬首月如弓

西陂類稿

卷十五

四

滄浪亭詩

會昌九老圖歌

香山老仙風流客致政歸來洛陽宅合罇尚齒招  
六賢拖紫紆朱盡頭白後來方外兩令威年貌絕  
倫竝几席九老八百十六歲此會人閒信創獲賦  
詩紀事繪作圖頓使千秋仰高躅

叶

或琴於榭碁

於舟或展圖書互探索衣冠嵬峨鬚眉古童僕清  
妍戶庭寂一亭林際更幽閒落葉頻掃莓苔積畫  
畫者誰天機精寫出冲襟洽泉石流傳妙蹟到紹  
興宸翰揮灑生顏色吳興

趙松雪

巴蜀

鄧善競題名

秘翫棠村

梁相國

抵荆玉

叶

老夫何幸得拜觀一段

零縑神奕奕會昌典刑令人欽豈獨寶此粉與墨  
我膺旌節近縣車撫卷歸歎念轉迫幾時結社淥  
波邨也效耆英踵其跡

遊攝山棲霞寺二首

寺有隋文帝塔江總唐高宗碑寺後有千佛巖

江臯尋勝地谷口望疎林藤杖逶迤入香樓梵唄

深豐碑留蘚砌湧塔冠雲岑世界人天接真教洗

客心

攝級向山巔神清忽悚然巖花千佛遶松響半空

傳僧老初成志

楚雲禪師方輯山志

機忘共品泉題詩良自

西陂類稿

卷十五

五

愧江令有名篇

靈谷寺

揅筇循鍾山曲徑投靈谷法界幾劫灰紺殿會新  
築鐘魚迴深沈是處妙香觸瞻禮寶公塔遺像何  
穆穆風鈴語一聲相戒莫敢躪此地富松梅蒼髯  
映寒玉今來總如掃晴嵐但迎目荒涼琵琶街鼓  
掌駭童僕琤琮功德水漱齒清心曲載過贊公房  
雜花媚幽獨卽境熱惱除跏趺願良足詩元不礙  
禪得句刻牕竹

以文休承定園禪定圖贈開先淵公因題二

絕句

文家畫手數休承，幾筆秋山得未曾。  
黃茅龕子空林下，此際誰叅最上乘。  
老僧愛畫入骨髓，小幅攜歸敷淺原。  
拾松煮瀑生涯在，解道淵公卽定園。

題石谷畫

浮嵐暖翠元劇跡，天池石壁亦一奇。  
烏目山人今子久，兩圖高韻此兼之。

夢中詠茶得首二句醒而足成之

採摘煙霞窟，神韻金石含。

袁中郎評亦有金石氣，陳眉公品茶云一人得

西陂類稿

卷十五

六

神二人得趣，三人得味。

桐陰閒啜罷三昧，此中叅

送馮山公歸試錢唐次留別元韻

湖上驚看未易才，炎天冰雪好懷開。  
談深科跣同疎放，注罷蟲魚羨博該。

山公方注蘇詩

歸櫂六橋秋色裏

橫江八月晚潮來，公車待送滄浪畔。  
重倒玻瓈漱灑杯。

宿寶應人家

落日照窮巷，茅堂靜如許。  
梧葉紛庭階，蕉衣被牕戶。  
而我此停車，抖擻衣上土。  
聊取濁酒傾，還將素琴鼓。  
永夜耿無眠，蕭蕭聽秋雨。

過喬石林侍讀縱權園感賦

城隅一徑入深陂，秋老荒園振策宜。  
野水迴環山映帶，殘荷飄颻柳低垂。  
溪堂賸挂東坡字，柳侯廟碑漁具堪吟魯望詩。  
采采白蘋斜照裏，十年興廢使人悲。

淮揚賑饑示官吏

淮揚咽喉郡相望，江海邊三紀。河伯驕沃野，徧淪漣。  
漣繫余移鎮，來適丁災祲。年四載，勞補救，奔走洪流前。  
蠲租二百萬，兼糜水衡錢。賑過銀米百五十萬屢請被

吏議獨荷

西陲類稿

卷十五

七

聖主憐

余以災田請作版荒停免部議罷斥蒙恩薄譴

今春

翠華臨

加意謀安全，疏濬懋禹績。留漕惠顛連，詔留漕米十萬平糶

惠民煢煢此子遺，相率擬力田。河魚忽大上，千里仍

長川危隄樓。婦子茅茨斷炊煙，村墟何處所。泛泛

惟漁船，漂波嗟粦麥。臨風羨烏鳶，重臣躬負薪。手

胼足復胼，臣犖承明詔。駐節向海壖，輕裘鼓短

櫂。來往狎深淵，州邑十七八。擘畫廢夜眠，薄俸分

已盡。倉廩更蕩然，何以答任使。俯仰憂懷煎，九

重實洞燭轉粟

恩命宣

上諭江右撫臣運米十萬賑濟淮

衆商

方戴德杭稻來委闈

時鹽商方蒙減課特恩輸米五萬助賑

羣公競

飲助

各官皆有賑米

稍稍給粥餽余家幸接壤致禾三百

廬

余倡捐米麥

眼底饑溺儔庶幾免播遷作詩示官吏

相期共勉旃無使滋中飽哀鴻慰迍遭富公賑青齊盛事史冊傳豈敢希古人但願寡尤讐漫郎委符節我志久拳拳歲晏公事了好賦歸來篇

附

和前韻

錢唐馮

景山公

大浸困淮揚薰風來日邊  
命公殿南服河潤  
同淪漣憶自高堰決川后驕頻年四載厄秋霖  
耕耘功棄前民室盡懸罄身不名一錢蕩析將  
離居公心惻然憐哀彼鴻鴈鳴保此家室全請

西坡類稿

卷十五

八

蠲復請賑封事常牽連  
天鑒俞孤忠農得事

春田今茲望有秋秋水灌千川盲風挾淫雨產  
鼃突無煙廬舍蠶洪濤民棲半在船飄泊隨西  
東有似乘風鳶乞食滿道路面鰲兩足胼州縣  
十七八秦郵迄淮壩  
帝命往撫饑公心凜冰  
淵日昃不遑食宵中屢廢眠聚米無成謀仰屋  
徒茫然賴有西江粟泛舟消憂煎矍鑠馬中丞  
轉輸恩亟宣公首捐鄉麥運致何闐闐鹽策郵  
諸商五萬佐施餽感激激羣有司仗助盈困廛父  
母方孔邇井邑何忍遷水涸掃牀蘚安於臥細

旃恩濃樂更生痛定悲前澶汲黯矯發粟仁心  
千古傳損餘補不足天道平不愆公真社稷臣  
開誠何拳拳作詩示官吏氣壓春陵篇

寄懷彭無山中丞

老友邵青門嘗稱無山爲鐵漢

鐵漢高名久屬公幾番愛護主恩隆孤蹤已致  
層霄上羣望方殷末路中獨秀晴峰當幕府碧潯  
秋瘴掃霜風天涯歲晚相思切欲寄音書少塞鴻  
九月十三夜夢舟泊江上大雪中與故人周  
侍郎櫟園杜處士茶邨分韻賦詩余得句云  
故人同野岸急雪灑船牕旣寤於枕上續成  
西陵類稿卷十五

九

篝燈趣錄漏下五鼓矣

夢入滄波裏重雲壓大江故人同野岸急雪灑船  
牕詩得荒寒助心將老宿降五更趣追寫殘燭影  
幢幢

月夜過天竺菴訪無絃上人時約上人住滄  
浪亭

織月長河岸禪關獨叩時竹傳當徑籟梅拗隔牆

枝觀畫懷漁隱

是日觀王孟端溪山漁隱圖

彈琴接穎師滄浪

還有約高詠牡丹詩

含清亭賞芍藥同邵子湘馮山公吳荆山次

梅聖俞楊樂道留飲置芍藥韻

花事故鄉盛嘉名錫紅藥每當婪尾春平臺展讌  
樂老夫容震澤芳姿想累萼遠致勞園丁種植依  
林薄羣羣含鬢嬌故園名種風致宛如昨壓倒金昌城  
不數廣陵郭招邀澹蕩人共此花前酌况我雙戟  
門倏然可羅雀脫帽苔任藉佐酒筍競斫經時偏  
仄懷偃仰得開廓浩態與狂香悅疑天上落雅宜  
明月來生憎寒雨作觴行儼卷波矯首聞城柝折  
枝惜旖旎張幄添灼爍翻階鬪新句豈同士女謔  
司花何狡獪舊譜武仲略載把都官詩高吟向鈴

西陂類稿

卷十五

十

閣

附 前題奉和用韻

長蘅

中州盛牡丹邇又誇芍藥瑪瑙盈尺槃樓子十  
重萼紅白爭繽紛一一標名各種詎止三十翻  
笑花譜略風雅得元公移根自宛洛種近含清  
亭疏畦藉鉏鑿立夏三日晴名葩披灼爍枝枝  
風嫵媚采采露娟媚亭空映紅闌樹密張翠幕  
公爲文字飲餽餉閒杯酌櫻桃筠籠寫鮮筍清  
泉淪甌香日注嘉釀淥玻瓈薄半酣徵故事高  
談展懽謔廣陵金帶圍魏公久寂寞東武玉盤

孟髯蘇跡成昨高韻繼者誰公應躡前屨詩篇  
餘事耳雅音振韶濩大馮况詩豪解衣羸盤礴  
季重亦可人一鼓氣堪作笑拍都官肩君筆真

可閣

思拙筆屢閣  
卽聖俞句

前題奉和次韻

景

鄭國溱洧閒士女贈芍藥後來修禊遊流觴傳  
至樂麗草殿餘春翠莖吐豐萼雪色含顰嬌心  
染胭脂薄揚州三十種繁英已成昨吳苑栽灌  
肥疑種橐駝郭鹿非悵陳跡鳧花酣晚酌方塘  
斂夕陽前林集歸雀愛茲婪尾春寧謝不忍斫

西陂類稿

卷一五

二

芳園寄幽賞暫留慰寥廓好待織月臨防受微  
風落紅藥當階翻佳句誰繼作促坐未奏陔繚  
垣已鳴柝寓公興不淺今古互銷鑠懸河三尺  
喙高談雜諧謔作詩駕宛陵使我步崖略何必  
賦梅花清才壓官閣

前題奉和用韻

吳趨

吳士玉

荆山

使院饒名花奇種來東洛牡丹最超羣驂驪乃  
芍藥入夏留餘春窈窕殿羣萼明公步履來賓  
從攜蓮幕風迎香冉冉日照光灼灼公言故園  
中此花如繡錯大者盈一尺瓊彝玉盤託其餘

復善幻五色紛淖約高下滋百畝本本垂瓔珞  
折來插作屏步障季倫若花時相經過朋好雜  
歌罨侯生朝宗不羈人賈靜徐恭士亦落拓徑造花  
下醉灌漏填巨壑雪苑風流盛俛仰猶如昨公劇  
談梁園花事之盛友朋之樂四座聽公語興酣添杯酌把火  
遶露叢妍姿倍婢嫋憐此婪尾春感彼都官作  
公詩發高倡邵馮鬪奇博遂巡怯大敵坐令小  
巫却一鼓偶試手擊音還自作

延熹華嶽廟碑歌

迢遙太華參金天虞周巡幸禮祀虔集靈宮建炎

西陂類稿

卷十五

十一

漢代飾闕載紀延熹年望仙門下聳巔隸書壯

偉蛟螭纏經始者誰袁太守逢市石者誰從事遷

杜遷郭香察書義莫辨徐洪考究終茫然徐浩古跡記以為蔡

中郎書洪适隸釋云郭香察書者察蒞他人之書也端嚴自可配白帝奇古

直欲追周宣無論史晨與韓勅撇畫已開光和先

桓靈秕政令人恨斯文頗盛千秋傳片石不隨鐘

簾改精光奕奕射嶽蓮後來好事錄金石上絜斯

邈邕隨肩有明中葉遭掣擊神物消滅同飛煙關

中秘藏或一二剝落那得驪珠全此本宋榻缺僅

十一字可博一金錢河北金吾王文孫老愛此摩

掌珍比瓊琚璇何幸鴻寶入我篋虹光頓壓書畫  
船寄語郭顥趙嶠二子道於今好古應讓西陂專  
錢牧齋詩云關中汲古有二士郭顥趙嶠俱嗟哦

附前題奉和

長蘅

華山作鎮帝所宮拔地削成三芙蓉明星玉女  
竝娟嫋天神博處鈎梯通少昊金天幹元化虞  
巡周望秩祀崇茂陵劉郎斲不死集靈宮築山  
之趾松喬芝蓋紛往來子仙茅龍大憺惋亡新  
變亂迨東京文字磨滅餘荒祀此碑紀年延熹  
八四月維夏日廿九勒石者誰弘農守袁逢開

西陂類稿

卷十五

七

先孫璆後郭香察書恐臆說曰蔡中郎亦無考

叶或云漢魏古碑今猶有例不書名著誰某紛

云辨駁姑置之隸法第一真瓌奇公此石本得

何所點畫完好無瑕疵圓方古匾體皆備挑拔

勁如折刀鉞斯邈故是丈人行冰潮呼作大小

兒光和以前得有此岫嘍石鼓肩相隨我思桓

靈柩政吁可詫歎息痛恨誰能那鈎黨橫填北

寺獄債官更諧西園賈太學石經空駢填鴻都

烏篆資詈唾雒陽鐘簾俄銷燼飛廉銅馬亦椎

破嶽碑聳巖巖歸然存千五百年安帖妥明嘉靖

閒始遭培有如燁碑焚野火紅豆老人錢牧齋作

長歌缺百廿字相矜夸何況此本缺僅十紙新

墨古神不磨虎爪攫拏氣鬱屈蒼虬鐵屈枯枝

柯知公鑒賞有真識裴几一日三摩挲

前題奉和

景

太華山高五千仞金嶽克配旻天峻虞巡周狩

省方同中間纂以羸秦閏芒碭風雲起赤龍山

川祠祭放秩宗茂陵轍跡徧天下集靈宮築嶠

函封亡新矯誣神不享露盤零落仙人掌建武

以還珪璧虔勒銘實自弘農傲河南山鎮冠雍

西坡類稿 卷十五

十四

梁時巡禮與恆岱方觸石興雨蕃農桑有年祈

報神歆香碑建延熹紀年八月廿九日逢甲

亥逢經始孫璆成巔巔嗟峨聳軒豁石從霸陵

杜遷市書遣新豐郭香察慨自蒼頡籀變丞相

斯龜文龍鱗迷前規小篆程邈改為隸六體又

雜甄豐為李陽冰潮遞擅奇八分由隸權輿之

要知漢隸之妙在龍舉戈波撇畫如錐土此帖

鷹峙骨力彊方壁圓珠鼎彝古朱竹垞云漢隸三種一方整一

流麗一奇古徐浩以為蔡邕書邕時稱疾方閒

居固辭五侯鼓琴召冑上三峰倒薤披浩之所

記殆訛繆獨惜嶽碑名氏漏或云漢刻例不名  
我隘見聞向誰究此事倚撫無短長桓靈時事  
關大綱賣官黨錮奄人猖青虹墮殿星孛狼兒  
生兩頭四臂妖非祥三十六萬黃巾黃可憐帝  
子逃螢光獨有茲碑噉業不隨炎劉亡世事都  
從駒隙過千五百年陵谷墮每歎滄桑變幻多  
方知文字因緣大嘉靖年間令不才碎爲砌石  
委蒿萊六丁假手一何毒詎殊轟擊靈霍雷烏  
嗥有成必壞循環理萬事紛綸盡如此商丘公  
耽集古錄刻苔剔蘚皆標目何處購此最古本

西坡類稿

卷十五

五

字皆可識摩挲讀舊搨已苦缺百廿此但漫漶  
十五六嶧山岫嘒不可求此帖寶之同圖球集  
靈宮亦易詳攷未須更駁歐陽修

前題奉和

十五

華碑漢隸推第一芒奪少吳金天晶東追嶧碑  
南岫嘒光賈鼎立齊嶧嶧商丘先生雅好古得  
此善本識鑿精紙新字完少缺畫嗟余一見心  
魂驚此碑刻自弘農守袁孫接跡勞經營延熹  
八年斗建巳月廿九日告厥成郭香察書紛聚  
訟古碑謂不署姓名或云中郎亦罕據筆蹤驚

絕要莫京虎螭攫拏鳳飄舉長翎修鬣摩鵬鯨  
規連珠樹矩洩玉圓流方折隨縱橫按以隸法  
兼衆妙欲名一體誠難評祖禰上溯籀斯派苗  
裔下傳潮陽冰熹平石經尚晚出堪與追逐稱  
弟兄桓靈敗德不足數摩挲墨鈔聊娛情吾聞  
太華削成五千仞河神手劈垠崖崩雲泉天磴  
閔金液乘龍戲博多仙靈此碑歷千五百載呵  
護應煩勅六丁有明嘉靖遭培棄可惜神物歸  
杳冥成毀相因固其理世事反覆誰能憑不見  
嶧山之碑焚野火岫嶻跡秘涕泗零公得此本  
西坡類稿

卷十五

十六

真希有一字便足輕連城

前題奉和

漢陽王

戲孟穀

往歲行經華陰道嶽廟蕭肅金天開老樹陰森  
夾階祀古碑寥落纏莓苔摳衣爰登最高閣三  
峰咫尺高崔巍雲氣蒼茫衣袂接夕陽明滅衆  
皴堆藕船大片不肯喫搖鞭西向趨黃埃公作  
華嶽廟碑詩寄我句讀之口中流沫字裏轟風  
雷金鐘大鏞自撞擊韓蘇石鼓從胚胎和詩兩  
篇盤硬語牽連紀載能別裁論文人馮山公昌黎有與馮  
宿論聲出燥吻種瓜者邵青手掀于鬣屬子作

和恐蛇足力薄氣索難瑋瓊惟雍州古帝王宅  
柴望上自虞周推羸顛劉熾盛祠祀茂陵仙容  
秋風才承露銅盤切霄漢西母為乞蟠桃栽甲  
帳珠簾忽零落初明腸斷通天臺洎乎東京際  
衰亂黃門北寺吁可哀甘陵南北兆鉤黨豺虎  
遘患遂令廟闕陵墓成飛灰集靈宮不可復見  
延熹碑碣留蒿萊千五百年尚無恙有明中葉  
方隳隕宋代摸搨聿近古譬如湯孔辭器兼而  
該公從金吾得此本聖所貴重逾瓊瑰詩中縷  
述信譎詭察蒞書寫其誰哉筋垂薤倒體奕奕

西坡類稿

卷十五

七

龍拏鳳躍形恢恢卽非髡邕奏妙技總依隸邈  
窮初芟爰歷凡將未遐遠八分三體供滌涸天  
丁抉取字僅十北斗增色連三台太學苦縣盡  
漸滅護持完好惟茲纔好之有力竟克致集古  
序就長昭回我猶未見摹擬澀一似有物橫頤  
頰新秋旗門懷刺往小滄浪畔聊追陪借觀亦  
不求甚解何妨傳示同提孩摩挲不將寒具污  
去當其得意且須卷還什襲放膽傾金壘

六境圖咏

有序

康熙甲辰予以侍衛出判黃州地故有子瞻

洗墨池從荆榛瓦礫中搜剔而修復之是爲  
予宦遊之始忘歸巖者虔州山水最幽處得  
名自陽明先生予奉使經年過此亦每忘歸  
後予觀察通州咫尺京華最爲紛沓賴潞河  
一水綠浪紅蕖風颿沙鳥時可怡情因葺潞  
亭以存舊跡趙文敏有鵲華秋色圖爲齊州  
周公謹作也予以額廉訪官署夕陽紫翠恆  
於坐臥閒得之不數月移藩吳會簿書旁午  
聞有蘇子美滄浪亭未及探歷忽忽奉江右  
之命以去江右近郭有北蘭寺據江山勝

概因建煙江墨嶂堂與賓從遊眺其中頗擅  
一時之盛壬申移節平江政簡心閒滄浪亭  
近在署側取次修葺遂成名勝酬夙願也今  
歲夏烏目山人王翬過我俾作六境圖敘述  
其事各係五言詩一章要一二故人和之庚  
辰立秋日

洗墨池

疇昔判黃州一官同泛梗江山樂清曠俯仰客懷  
永東坡洗墨池蕪沒無人境爬剔出神漢一泓浮  
翠苻豈惟存舊跡兼可逐清景好風澹蕩吹几席

淪漣影幽人對如鵠  
食時啜茗蛙口食墨黑  
楚  
故

忘歸巖

姚江千載人看山有癖  
好榮戟虔州時遊屐徧雲  
嶠幽巖傍通天  
亦巖名  
幾度展孤眺大書刻石壁公

懷何浩浩我來追高躅  
一杖凌奔峭修篁被邃谷  
森聳千幢燾水窮雲起處  
默坐領其要夕陽促棲  
翼靈籟發竒篠而我亦忘歸  
蘇門繼清嘯

潞亭

觀察通潞日奔走苦近畿  
束帶欲大叫如馬困韉  
西陵類稿 卷十五 七

鞿偶值公事了一水弄煙  
霏縛亭延古意四顧來  
清暉紅蕖叅白鳥到眼趣  
不稀誰言塞垣近江鄉  
此庶幾遂多酬倡什賓從  
有光輝湖莊清夏圖  
趙大  
年奪取惟王翬孤山雲外  
塔相望仍依依

鵲華秋色堂

濟南山水佳城郭煙嵐環  
鵲華好秋色鷗波貌雙  
鬢我官日雨衙盡在紫翠  
閒故人額我堂  
宋朱竹垞  
見

者為怡顏擬攜紅藤杖刻  
意窮躋攀無何置之去  
欲賦詩思艱冷雲與殘照  
幽夢恆相關高吟滿筥  
篋千年如遺山

煙江疊嶂堂

晉卿有珍圖曰煙江疊嶂玉局最心折品在李郭  
上竭來章江濱放眼得畫狀滄波帶翠巘千里列  
屏幃堂開古寺中佳處快所向三日一登臨五日  
一酬唱嗟峨滕王閣較此遜奇創白鷗閒似我來  
往隨蕩漾瑯琊老尚書節督詫別樣

阮亭常日余  
爲別樣節督

滄浪亭

移節來三吳我還用法所願風俗淳坐許泉石  
狎訪古得滄浪澄明比苔雪空亭復舊觀屋宇施  
版鍤牡丹儼風鬢荷葉展羅篔故物補棊盤韻事  
西陂類稿

卷一五

干

添琴匣遊人聯袂來名勝虎丘壓英英子美魂吟  
嘯定不乏圖成當年譜畫手頗稱甲他日歸西陂  
還倩寫放鴨

喜雨

初伏已過中伏來日日南風吹不息炎帝火傘作  
意張低田車水高田坵淮揚災祲已連年此地那  
堪罹小厄恤人悶悶同左司悵望高天頻感額池  
館柳黃荷不花滿堂賓客皆愁色日斜忽報風陣  
轉門前旗脚皆南擲黃昏雨點如菽大乍停乍作  
耿胸臆三更已後遂滂沱憂思千邨一朝滌懸知

穠極翠鬪舒嘗稻翻匙定雪白狂吟喜雨邀和章  
賦手如雲不待迫曉煙未泮好作圖烏目山人起  
潑墨


西陂類稿卷十五終

孫如金校字

西陂類稿

卷十五

三



西陂類稿卷十五終

孫如金校字

題詞翠鬪舒嘗稻翻匙定雪白狂吟喜雨邀和章  
賦手如雲不待迫曉煙未泮好作圖烏目山人起  
潑墨

西陂類稿卷十六

商丘宋瑩牧仲

紅橋集

九峰曲二首

纔過青浦望松江  
淼淼澄波白鳥雙  
九朶芙蓉相竝出  
一天晴翠撲船牕

雨過斜陽入趣途  
羣峰參錯水縈紆  
看山怪道如相識  
往日曾披雪霽圖

黃子久有九峰雪霽圖

附 次前韻

景

九朶芙蓉出泖江  
空明盪漿自雙雙  
諸峰聳翠

西陂類稿

卷十六

一

如相送倚徧雕航  
四面牕

殘澗初收溼遠途  
夕虹猶挂九峰紆  
不須更覩

黃癡畫此是天成  
雨霽圖

賑饑淮揚寓江都  
范公祠作

五年河決淮揚郡  
拯救徧當力  
紉時千里飛鴻連

海岸二分明月對  
叢祠看碑廡  
下莓苔掃行藥畦

邊柳栗隨幾日滄浪催刈稻  
并州風物使人思

附 前題

至

鴨脚蕭蕭蔭短垣  
范公祠下復停軒  
經旬轉粟煩飛檄  
何日哀鴻返故園  
極望平山雲作陣  
還

愁海岸雨傾盆趨庭小住邗江上向夕憑闌酒  
一尊

平山堂二首

路出紅橋畔秋原問蜀岡穿林尋曲徑拾級到高  
堂遠岫平襟帶長江得渺茫呼童掃黃葉好煮石  
泉嘗

昔賢良讎會茲事遂千秋勝地幾興廢閒雲此去  
留樓開歌舞外塔入海天浮何處雷塘路蕭騷起  
暮愁

秋日由范公祠後圃過天笠菴二首

時滄浪亭方構

西陂類稿

卷十六

二

西陂草堂

古祠棲泊處幾日遂深秋野岸霜風緊殘陽廢圃  
幽園茆收末利老樹叫斑鳩何意膺符節翻同世  
外遊

曾向南園裏碕西構草堂大江隔吳會秋水憶滄  
浪行菜從公暇投竿引興長聞鐘催步履又到贊  
公房

鄰家竹園

客舍傍荒園相去不數武修篁聳天畔參差展鳳  
羽清陰隔院來羅羅徧庭戶時循鹿眼籬徑造無

人處遺籜與蒼苔委積盈尺許呼童爲掃除坐待  
明月舉千蠹萬夫閒葉葉秋可數翛然坐忘歸直  
迨鄰鐘杵風至靈籟生俗韻洗肺腑因之念故鄉  
寄書葺舊圃

子家竹圃梁孝王故址也

附前題

至

立秋六十天暑氣時作惡祠南美修篁連日出  
行藥竹根蔓草纏蕪穢侵芒屨呼童加翦除耳  
目得一廓譬如嬰塵塗忽被清泉淪徘徊日欲  
昏嘲哂羅歸雀廣陌起秋風乾葉蕭蕭落

答朱慎人駕部二絕句

西坡類稿

卷十六

三

小別俄看菊有花滄江渺渺隔天涯八十老翁偏  
好我一封遙寄水精鰕

高蹤世外自菰蘆鶴格昂藏老興孤青鞵布韞蛇  
條杖待爾滄浪作畫圖

九日用至韻

乍晴乍雨當重九笠屐風前緩緩行傍水閒園留  
野鶴夏天高柳接荒城宦途偈仄誰停手秋鬢蒼  
浪愛落英此際呼兒問鄉國和松茅屋葺初成

附原詩

至

江風吹雨又吹晴蕭瑟郊原穫稻聲走馬空林

防落帽窺牆小婦訝前旌愁分鴻雁三秋夢醉  
倒茱萸九日情悵悵雷塘何處是夕陽西下隱  
層城

秋日廣陵雜興八首

已過重陽雨不休叢祠古木響颼颼誰知聽雨無  
聊賴名畫還披聽雨樓

黃鶴山樵有  
聽雨樓卷

買得秋英碧玉枝一庭疎雨澹相宜二三文士成  
高會獨有麤官愧左司

牆東菜竹一千个牆西鴨脚大十圍公事一了卽  
世外誰能局束爲人鞅

西陂類稿

卷十六

四

淮揚蠲賑自年年一老輕舟遡大川岸上偶然成  
小住窺人霜月兩迴圓

去年留漕二十萬今年轉粟又海濱明年定擬塞  
瓠子太倉高廩應陳陳

獨扣禪扉破碧苔雞冠五色滿庭開老僧背上筠  
籠重打得街頭盞飯來

迴颿鼓急隔牆聞不礙哦詩向夜分一陣南風又  
靈雨妒他涼月白紛紛

落葉聲中與鶴閒竹西歌吹總教刪寫望朝來定  
何處衝泥還擬上平山

附前題

江都  
顧圖河書宣

雪葉風花續續吹城南官舍破閒時雨師多謝  
勤來往一日催成一卷詩

空天忽注雨三尺空囊忽辦米千鍾飽飫江淮  
人萬億可知談笑有神通

朝朝堆案壓丘山秋籜隨風頃刻閒不是乃公  
工判事十分清得十分閒

千夫執戟趨衙鼓十手研煤供寫書高竹萬竿  
雙酒榼門生數輩一癯儒

綿津說詩惟一真綿津鑒畫如有神畫真畫贗  
西坡類稿卷十六 五

吾不辨天下真詩復幾人

屬和多來那易工小坡端不讓家翁巖巔一滴  
獅兒乳猛接千尋絕壑中

跛驢滑澗不受騎破屋牀牀無了期咫尺城南  
渺河漢擬將雅鄭叩臯比

今朝舊說展重陽拗轉雲光漏日光扶起菊枝  
溫雪酒料公無計奈詩狂

前題用韻

江都  
郭元鈞于宮

九旻霖雨溼殘秋小駟柴車阻勝遊却有水關  
紅葉岸庾公高興欲登樓

日影霜紋滿戟枝水濱閒建白雲司韓瞻新句  
冬郎和未許門前橫笏知

苔展重茵鞠打圍高庭寒色試秋衣放衙不用  
凡胥吏一陣檀欒擁綠扉

檐聲送到催詩雨野色營成命酒天笋脯橘乾  
隨意酌筆牀茶竈自牽船

浮山下格尚通津去住宣防負土人不有江南  
醫國手釣魚何處穩閒身

秋城如練水如苔沙鳥汀鷗日日來九日淮南  
有佳處蟹螯肥足酒無灰

西坡類稿

卷十六

六

老雨欺秋入夜分竹牆松院益紛紛荒涼逆旅  
三閒月觸撥牀頭一甕雲

宋人詩詩人  
例合三閒月

竹輿軋秋山閒松聲欲落襟帶閒不教呵殿  
惱林樾詩心全在隔江山

前題次韻

泰州  
繆沅湘芷

銅斗洗洋唱未休雨聲篷背響颼颼劇憐聽雨  
孤篷客冷醉閒吟倚柁樓

青霜陣陣糝楊枝搖落秋心與客宜不道鬢絲  
禪榻畔重賡好句杜分司

遙山幾點如潑墨螺髻碧玉交相圍定攜蓑笠

造絕頂孤鶴傲岸誰能讎

江湖載酒憶當年一葉漁舟舞巨川曾向邗溝賦秋月銷魂少此一回圓

木瓜霜後碧初勻滿樹纍纍江水濱小摘青莢聊位置湘簾不捲看橫陳

滄浪亭子堆蒼苔秋花籬落千叢開碕西草堂昨夜雨更有何人問菊來

瓦盆送酒隔籬聞銀蠟裁詩賸五分吟罷吳楓冷江上滿城落葉正繽紛

香凝燕寢意閒閒公事麤酬塵事刪畫手不教

西坡類稿

卷十六

七

寒具浣溪山雨霽看衡山

時觀文待詔畫

前題

至

兩檻風牀數笏寬蝸牛負殼轉身難晚來小立門前望竹影修修塔影寒

鹿眼籬根秋草芟一叢苦竹對松杉京江雲作邗江雨水驛鳴鐃促落帆

稻熟田家風雨連舍前舍後水平川不緣兩月揚州住誰信淮南是漏天

眠鳧翹鷺驚人起行飯溪南曳短蓑獨對斜陽懷杜牧竹西亭子草萋萋

半規月照玉鉤斜此地曾經葬落花一種風流  
消不得香車寶馬又天涯

蛟門

汪懋麟

墓已纏秋草梅壑

查士標

梅岑

宗元鼎兩

慘悽屈指故人零落盡欄干倚徧日平西

采采茱萸落照微農家大半上漁磯酒旗歌板  
平山路驚起哀鴻何處飛

秋老江鄉霜倒蒲漁莊蟹舍日提壺歸時還倩

琴川叟

王翬

貌我金焦放櫂圖

晴

野館秋陰徧四圍晴光纔放啓園扉牽牛羞澀當  
西陂類稿

卷十六

八

籬綴鳳子伶仃貼地飛鄰寺經聲聞老衲隔江畫  
本送元暉修修竹徑寅綠處直似平臺舊圃歸

玉帶生歌

有序

楊鐵崖有七客者之寮以貯所藏笛琴管胡  
琴古甕與研竝已爲七六客各錫以嘉名而  
研舊寶於文丞相紫質玉紋所謂玉帶生也  
丞相殉國研歸謝臯羽轉歸鐵崖鐵崖作志  
命門生張憲作玉帶生歌余幸覲奇寶亦贈

以歌

有客有客端州生家住下巖之老阮質溫以栗靜

以正紅光燭燭搖日星紫衣玉帶端人相聲價倏  
然來連城景炎丞相宿友善周旋几席儕墨卿虔  
州露布曾視草寶惜不數瓊瑤英柴市殉國客散  
走西臺血淚同吞聲冬青樹罷歸何處抱遺老鐵  
邀作朋幽寮七客數晨夕文章之職維汝承門人  
作歌寫遺烈隱然五岳方寸橫古心古貌儼舊服  
守玄那絢鵠鵠晴腰閒驪珠四十四燿煌丞相所  
賜銘余也師事寧敢友如圭如璧親典型安得七  
客忽邂逅得余而八重結盟

附前題

彝尊

西陵類稿

卷十六

九

玉帶生吾語汝汝產自端州汝來自橫浦幸免  
事降表僉名謝道清亦不識大都承旨趙孟頫  
能令信公喜辟汝置幕府當年文墨賓代汝一  
一數叅軍誰謝臯羽寮佐誰鄧中甫弟子誰王  
炎午獨汝形軀短小風貌樸古步不能趨口不  
能語既無鸚之鵠之活眼睛兼少犀紋彪紋好  
着嫵賴有忠信存波濤孰敢侮是時丞相氣尚  
豪可憐一舟之外無尺土共汝草檄飛書意良  
苦四十四字銘厥背愛汝心堅剛不吐自從轉  
戰屢喪師天之所壞不可支驚心柴市日慷慨

且誦臨終詩疾風蓬勃揚沙時傳有十義士表  
以石塔藏公尸生也亡命何所之或云西臺上  
晞髮一叟涕漣洏手擊鐵如意生時亦相隨冬  
青成陰陵骨朽百年蹤跡人莫知會稽張思廉  
逢生賦長句抱遺老人閣筆看七客寮中敢呀  
怒吾今遇汝滄浪亭漆匣初開紫衣露海桑陵  
谷又經三百秋以手摩抄尚如故洗汝池上之  
寒泉漂汝林端之霏霧俾汝長留天地閒墨花  
恣灑鵝毛素

前題

泰州宮鴻曆友鹿

西坡類稿

卷十六

十

胥江潮落白鴈飛誰斲鰲足支坤維文山獨抱  
硯田出奮筆屑涕揮雄詞蛟龍不合挂網罟虎  
口自脫非人爲三宮銜壁水怒立正氣只欠天  
扶持臯父得硯不小用用代鉛筑沙中椎魯連  
蹈海慶卿死女貞花葉空萎蕤百年汐社客纔  
散宋遺民社名起輦谷暗陰風吹此硯閱人傳舍耳  
鐵笛老仙欣得之紫袍玉帶稱上客玉笥長句  
尤恢奇赤城霞起瀑水隔白虹影貫彤雲垂至  
寶縱復有晦顯神物要自無成虧漫堂夫子方  
晏坐一方軟玉磨隄麋時平幕府罷草檄不須

更替廬陵悲蟲鰕草木待箋注門生問字來  
寒帷相與聯韻效鐵體踏歌先和嬉春詩

前題

玉帶先生品端潔夙昔曾託文山契紫袍挂體

不復變襟期磊落懷冰雪初疑巨璞禹鑿餘否

卽女媧搗鍊結闊纜寸許長手耳波濤瀕洞墨

花凸龍尾鳳珠何足云况爾脣全額弗缺絲絲

磷磷崩復崩

研銘中語

四十四字光昭揭一從供灑

零丁辭當心忠義磨不滅文山頽後歎子遺頑

石堅貞誰見悅尤物原來恥受憐握手那肯便

西陵類稿

卷十六

七

成熟嗣偕臯羽拜諸陵冬青樹罷分嗚咽流傳

異代落巨手用翻樂府隨老鐵六客之中名第

一却嗤焦氏秋

鐵崖琴名爲賈似道故物

非埒丞相雖同有

賢姦一薰一蕕手澤別袍笏拜之方許觀天陰

只恐蛟龍掣玉笥題句何凜凜小儒屬和空昨

舌

題王叔明聽雨樓圖

清溪送客罷江天黯將夕秋林碧煙生寒雨稀疏

滴茅樓跛脚人傾耳意何適妙義悟風旛耳雨兩

無跡山樵貌作圖筆自塵外得張伯倪雲林發高唱

屬和皆奇特故人幸持示一覽心一條覽竟步夜  
分簾挂霜月白

附前題

至

作客歲已久夜來鄉思生夢回西陂裏聽雨當  
茅亭曉起展圖畫寓目心忽驚恍如夢中見瑣  
細何分明千章蔭楊柳沙白水荇青邨遠隄壓  
岸孤舟浮煙汀披蓑戴箬笠款乃衝風行幾時  
賦歸去小樓坐深更綠波罨靄靄火看星星  
倩彼白描手貌我聽雨情何事撫卷軸空憶靄  
靈聲

西陂類稿

卷十六

三

灣口二首

秋雲壓斷隄寒雨溼衰柳不見茱萸邨孤舟泊灣  
口

咫尺露筋祠相望隔雲樹中夜倚篷牕長吟白蓮  
句

阮亭尚書詩云行人解纜  
月初墮門外野風開白蓮

白田雨夜次顧黃公貰酒不得韻示王方若

喬無功諸子

如舟茅屋當官閣小牕夜雨冷茱萸吏案山橫差  
排盡幾簾殘書此閒著濺濺檐溜入夜急恍向波  
濤耳噴薄五更捲地來霜風晴光願放前日同招

邀數子文字飲周旋擬接昆吾鋒災祲已過當大有嘉穀會見如墉崇老夫飽喫蘇州飯滄浪射鴨彎竹弓

附 次前韻

寶應 王式丹

方若

雲拂簾旌香浮閣蕉屋秋霖溼枯蕩清閨便似寫倪迂心與篆煙無繫著遶檐琴筑不聞聲

放翁

夜雨詩遶檐點滴如琴筑

逗漏新晴日光薄從容談讌披清

風讀書却許生徒同精能神逸有妙理無上證入禪機鋒剎那塵眼豁天外琅霄宮闕仙山崇臥遊何處意恹恹階前落日餘半弓

西陂類稿

卷十六

三

懷陶季二首

白田遺老推陶季衰病難邀共酒缸此際清燈寒雨夜懷人端屬鹿門龐

文酒昔同賈靜子

開宗

舟車屢接顧黃公

景星

眼底風

流亦無數誰曾橫槊建安中

登文游臺

臺在秦郵城東爲蘇子瞻王定國孫莘老秦少游讌集處

高臺傍盂城環遶盡湖水僻地得嘉名實自四賢始孫秦邦之彥別駕騷雅士文游奉坡公清芬灑千祀伊余措策來小雪風日美嘯傲仰遺蹤几席薦芳芷孤桐倚檻留衰草當階委名畫不可求

李龍

眠曾有圖

太息漁洋子

阮亭尚書有弔古詩

俯仰五百年風流誰

繼軌湖樹迴微茫湖雲澹迤邐悵望迨黃昏鷗邊

霜月起

雨中舟次仙女廟示青門

芒稻河邊路寒雲竟日留荒祠問仙女疎雨滯行  
舟村隱敲斜竹童驅子母牛蓬牕對詩老頓覺破  
離憂

附前題用韻

長蘅

野廟泊官舟蕭條江上秋西風吹急雨木葉灑

船頭枯葑

芳用切

依扉落殘罾絳樹留元公憂國

西陵類稿

卷十六

古

淚五載不曾收

前題步韻

至

灣口東頭去荒祠得暫留野風吟落木殘照冷

孤舟生計憐投釣人家合賣牛飛飛淮海鴈何

日慰離憂

前題步韻

男致

灣口曾經過荒祠那可留水平涵遠樹風疾送

孤舟有戶皆沈竈無田不用牛哀鴻何處集未

釋稻梁憂

舟次寧鄉二首

屬泰州爲隋縣治

水氣白泱泱扁舟逐鴈行傷心元沃野懷古到寧  
鄉遠岸蒹葭沒孤村網罟張老翁垂涕語五載罷  
耕桑

邨邨魚換稻在在樹生苔拯救 恩誠渥豐穰運  
合開宣房沈璧馬海岸闢蒿萊多少關心事停橈  
首重回

夢遊山水作

夙好山澤遊至老興不却幽夢招素心水石踏芒  
屨雅追修禊風共擣飛蓋作何以樂嘉賓清暉映  
杯酌

西坡類稿

卷十六

十五

題徐學人雲溪草堂圖

之子江東秀風流小杜齊人傳秋柳句家住白雲  
溪鰕菜供調饌煙波入杖藜幾時共明月披豁草  
堂西

題梅雪坪畫卽送歸宣城

詩是都官裔畫追清閔蹤霜風吹旅館幽磻寫寒  
松倪迂有幽磻圖流覽移情劇煙嵐到眼重敬亭歸去  
好粉本得搢笻

紅橋

命名自阮亭

最是揚州勝紅橋帶綠楊著名同廿四佳話自漁

洋去住笙歌接空濛煙水長幾回憑弔處詩思寄  
斜陽

松花江綠石硯歌

即鴨綠江

聖武孔昭大文洽寶物千年忽騰螫松花江遠銀  
濤翻綠玉英英此中拾 天家妙選職端明欣飛  
或取歸鞍壓故人輟贈意良厚入手波紋翠猶溼  
青花蕉葉潤德同高出鼉磯與洮歛卷荷雅製凹  
有容毛穎託契墨卿狎老輩更有玉帶生墳典發  
皇共几榻

附前題

至

西陵類稿 卷十六

去

鴨綠江深鼉窟冷雲根截斷光炯炯碧煙一片  
入手寒腹作團荷背盤梗隄隴瀟灑松花香咫尺  
波濤蕩晴景摩挲雅愛含風漪好仗濡毫聯

石鼎 山谷詩贈君洮州綠石含風漪

刊補施註蘇詩竟於臘月十九坡公生日率  
諸生致祭

文章氣節着山蘇高名嶽嶽驚凡夫七百餘年余  
欣慕夢中恆接鬢鬢鬚公厄一時死不朽遺編學  
者多濡濡詩註吳興最稱善梅溪舊本徒區區斷  
簡搜得費補綴邵長馮景顧嗣立李必恆兒至俱刊成

恰當公生日歲暮霽景堪歡娛招邀名士肅下拜  
小滄浪挂笠屐圖黃雞花豬薦夙好亦有蜜酒盈  
杯盃左圖右書歆寶氣霓旌髣髴來雲衢顧余江  
湖久放浪長安餽歲每歲無似聞家僮相竊笑媚  
茲一老母乃迂麤官自審亦良怪行事動與今人  
殊且同我輩永今夕缺月皎皎縣牆隅短劄急報  
漁洋老應有好句酬狂奴

附前題

景

七百年前宋景祐天生名世者山秀臘月十九  
乙卯時歲維丙子降奎宿後賢神契商丘公篤

西坡類稿

卷十六

七

好先生表至忠玉局詩篇廣箋注刊成懸像東  
軒中恰逢先生生此日玉糝羹薦花豬白蜜酒  
新斟藥玉船爰率清流拜前哲命宮磨蝎等昌  
黎身在斗牛復簸箕一生遭謗被口語譬彼攻  
石成完瑜願進先生一杯酒日星河嶽千秋壽  
髣髴脰嚙笑掀顛赤壁黃樓生戶牖孤鶴南飛  
俯鵲巢笛吹江上聲嚶嚶穿雲裂石復三弄青  
巾紫裘人亦豪吾儕豈必皆李委甘心御車執  
鞭弭馬齒偶與先生同四十九年窮不死  
達詩云嗟我與君皆丙子四十九年窮不死平生未到九江東誰和

太白詩句浚陽宮

先生到九江和李太白浚陽宮詩序云今余亦四十九

只今真躡仰笠屐且醉小滄浪畔玻瓈紅

前題

士五

冬十二月日十九商丘公爲看山壽異代稱觴  
神所契風流韻事昔未有飄然畫像垂中堂紛  
紛墨蹟陳左右詩卷新雕竝在御箋注完好無  
瑕垢彝器斑斕銀燭光花豨亦薦明棗後真躡  
各擬奏新詩筦篥不用煩矇眊恍若先生臨几  
席議論懸河開笑口憶昔置酒赤壁磯笛聲嘹  
亮穿林數連珠更和王郎句片片雲腴報瓊玖

西陂類稿

卷十六

六

公生日事

勝蹟於今七百年何異朝昏換卯酉先生

身命等韓公三星什伍嗟牛斗南箕簸揚不肯

停屈指生平多謗咎

公嘗云吾生遭口語無數蓋生時與退之相似吾命

在斗牛間而身宮亦復在焉

孤忠排蕩激頽波百折不回堅

有守嗚呼世事盡浮雲頃刻白衣變蒼狗黨錮

頻仍何太勞諭諭羣小今在否先生風烈儼生

存亮節雄文壽永久嗟余小子生苦晚玉局一

編時在手拜公遺貌思執鞭幸陪羣彥駿奔走

男兒墮地七尺軀立名會須期不朽不見小滄

浪中笠屐圖茲辰競獻東坡酒

前題

至

前年纔葺子美祠去年又刻東坡詩祠成得以  
奉俎豆詩成尚未陳明燦今年臘月十有九月  
日適當公生時我家舊藏笠屐像摳衣冒雨行  
逶遲懸小滄浪度致祭邀諸同人羅拜之髣髴  
先生開顏笑長鬢飄肩何嬉嬉緬維景祐歲丙  
子奎宿照耀臨峨嶺大儒崛起司文枋縱衡上  
下天人姿無端黨錮來姦忌百折不死神扶持  
公之詩歌炳星日光燄萬丈無時虧吁嗟乎不  
見四十二卷復完好何必景繁顧子吳興施

西陂類稿

卷十六

七

西陂類稿卷十六終

孫吉金校字



